

# EL LATONET DE MOSÉN BRUNO



Ninons y ninonas de l'escuela de Saravillo

CURSO 2020-2021

David

Silvia

Irene

Teresa

Bruno

Lucas

Hugo

**Mayestra d'aragonés**

Sonia Gabás Ballarín


Diseño y maquetación: Publicomp

Edita: Gobierno d'Aragón. Dirección Cheneral de Política Lingüística

D.L.: Z 1466-2021

# EL LATONET DE MOSÉN BRUNO





Fa muitos años en el lugar de Saravillo i eba un cura que se deziba Mosén Bruno Fierro.

De maitins teneba que tocar la campana de l'ilesia pero teneba asabelo de galbana, asinas que un diya fayó un forau en la paret d'el campanario y engancho una baguera del batallo de la campana gran, sacó la baguera per forau asta el suyo cuarto y asinas de maitins tocó las campanas toz es diyas sin tener que levantar-se de la cama (yera lo unico que teneba que fer en to'l diya sino feba misa) ubrir es uellos, tirar d'una cuerda y tornar-se a dormir.



Un diya de maitins puyón ta Saravillo el mandadero de Cherbe ta dezir-le que baixase ascape ta Cherbe.



Mosén Bruno renegaba:

- Qué debe querer agora iste desgraziau!!

Cuan plegón, el cura Cherbe le dixo:

- Ay, Bruno que apurau soi!!



Mosén Bruno le respondió:

Tu siempre yes en apuros, t'espantas de tot!!

- Agora que ye mui serio lo que tengo.

El latonet que soi crión no se fa mica gran, no medra cosa.


Ya ye presto ta capuzar-lo.



- Prou que sí, ta Nueibuenta i hai que minchar tozino y mondongo.

Pero que no pesa güaire. Ta que l'abré criau!!

Perque istes años pasaus toz es que mataban tozinos me trayón un presente ta casa, pero iste año ningún me trairá el presente, to'l lugar sabe que soi crión un latón.



Mosén Bruno na más feba que dar-le vueltas al tozuel.  
Discurrión que de nueis colgase el latón en el mirador ta  
que'l viyón to'l lugar y al rayar l'alba el replegás y l'escondés  
en bela mata buxo.



Mosén Bruno que yera mui espabilau, aguardó asta que se fayó de nueis, cuan toz dormiban, que se replegón el tozino, el escondión bien y...



De maitins el cura Cherbe salió ta la plaza esgritaziando que l'eban robau el latón, que no'l trobaba. Tota la chen yeran espantaus de tot. Mosén Bruno tamién yera per alí, pero no deziba cosa, na más pensó que ya teneba ta minchar to l'ibierno.

Fendo-se-ne la riseta puyón ta Saravillo con el latón.

Y qué buen ibierno pasón minchando-se el latón del cura de Cherbe.



ARAGÓN

[www.lenguasdearagon.org](http://www.lenguasdearagon.org)



**GOBIERNO  
DE ARAGON**